

O‘ZBEKISTON RESPUBLIKASI
IQTISODIY TARAQQIYOT VA KAMBAG‘ALLIKNI QISQARTIRISH
VAZIRLIGI MARKAZIY APPARATIDA MAVJUD BO‘SH ISH
O‘RINLARIGA TANLOV E‘LON QILADI

UMUMIY TALABLAR

1. Iqtisodiyot, moliya, soliq, shuningdek, bank ishi yo‘nalishlarida oliy ma‘lumotga ega bo‘lishi (xorijiy va xalqaro oliy o‘quv yurtlarida tahsil olgan nomzodlarga afzallik beriladi).
2. O‘zbek tilini mukammal, rus va ingliz tillarini yuqori darajada bilgan (bo‘sh ish o‘rni xizmat vazifalaridan kelib chiqadi), IELTS sertifikatiga ega bo‘lgan (kamida 6 ball) nomzodlar ijobiy baholanadi.
3. Kompyuter savodxonligi, jumladan Microsoft Word, Excel va Power Point dasturlarini mukammal bilish.
4. Halollik, mehnatsevarlik, tashabbuskorlik va o‘z vazifasiga mas‘uliyat bilan yondashish.
5. Professional etiket, atrofdagilarga, shuningdek, hamkasblarga hurmat bilan munosabatda bo‘lish, jamoa bilan ishlash qobiliyatiga ega bo‘lish.
6. Muomala madaniyati, o‘z fikri va mulohazalarini ifodalay olish, shuningdek, muzokara olib borish qobiliyatiga ega bo‘lish.
7. Muammolar yechimi bo‘yicha tezkor fikrlash va o‘z takliflarini taqdim qila olish.
8. Mamlakatda olib borilayotgan ijtimoiy-siyosiy islohotlardan habardor bo‘lish va ular bo‘yicha amalga oshirilayotgan chora-tadbirlar mohiyatini chuqur anglay olish.

TANLOVDA ISHTIROK ETISH SHARTLARI VA TARTIBI

1-bosqich: Yuqoridagi talablarga javob beradigan nomzod **aruziqulova@mineconomy.uz** elektron manziliga o‘zbek va ingliz tillaridagi ma‘lumotnomasini (Ilovaga muvofiq word shaklida) hamda nima uchun aynan shu lavozimda ishlash istagi borligi to‘g‘risida insho (esse)ni o‘zi mukammal bilgan xorijiy (ingliz, nemis, frantsuz va hokazo) va o‘zbek tillarida (kamida ikki varaqda Times New Roman 13-shriftida) yozib, **2021-yil 17-fevralga** qadar yuborishi kerak.

Bunda, insho (esse)ni xorijiy tilda yozish faqat xorijiy tillarni mukammal biladigan nomzodlardan so‘raladi.

2-bosqich: 10 (o‘n) ish kuni ichida Ishchi guruh tomonidan nomzodlarning ma‘lumotnomalari va insholar o‘rganib chiqiladi. Qo‘yilgan talablarga javob bergan va **keyingi bosqichga o‘tgan nomzodlar** bilan **onlayn suhbat o‘tkazish kuni** to‘g‘risida vazirlikning **www.mineconomy.uz** rasmiy veb-saytida e‘lon beriladi.

3-bosqich: Onlayn suhbat o‘tkazilgan kundan boshlab **20 (yigirma) ish kuni ichida** tanlovdan muvaffaqiyatli o‘tgan nomzodlar to‘g‘risida rasmiy veb-sayt orqali ma‘lumot beriladi.

DIQQAT!!!

**QUYIDAGI HOLLARDA NOMZODLARNING ANKETALARI KO'RIB
CHIQILMAYDI:**

**- NOMZODLAR ILOVAGA MUVOFIQ MA'LUMOTNOMA BILAN INSHO
(ESSE)NI TAQDIM ETMAGAN HOLLARDA;**

**- INSHO (ESSE)LARIDA AYNAN QAYSI DEPARTAMENT, QAYSI
BOSHQARMA VA BO'LIMDA HAMDA LAVOZIMDA ISHLASH UCHUN
TANLOVDA ISHTIROK ETISHLARI KO'RSATILMAGAN TAQDIRDA;**

**- BOG'LANISH UCHUN TELEFON RAQAMI HAMDA ELEKTRON
MANZILLARI ANIQ KO'RSATILMAGANDA.**

Ishchi guruh tomonidan tanlov va tanlov natijalari haqidagi barcha ma'lumotlar
faqat Vazirlikning www.mineconomy.uz rasmiy veb-sayti orqali nomzodlarga
yetkaziladi.

*Ishchi guruh bilan bog'lanish uchun (+99871)232-64-29, (+99871) 232-65-40
telefon raqamlariga murojaat qilishingiz mumkin.*

MA'LUMOTNOMA (14-shrift)

3x4 rangli fotosurat

Botir Bahodirovich Eshmatov (14-shrift)

2012-yil 20-fevraldan

Sud departamenti Sirdaryo viloyat hududiy boshqarmasi

Sud qarorlarini ijro etish bo'limining yetakchi inspektori (11-shrift)

Tug'ilgan yili:

20.08.1985 (11-shrift)

Tug'ilgan joyi:

Sirdaryo viloyati
Guliston shahri
(11-shrift)

Millati:

o'zbek (11-shrift)

Partiyaviyligi:

yo'q (11-shrift)

Ma'lumoti:

oliy (11-shrift)

Tamomlagan:

2006-y. Toshkent davlat iqtisodiyot universiteti
(bakalavr) (11-shrift)

Ma'lumoti bo'yicha mutaxassisligi:

(11-shrift)

iqtisodchi

(11-shrift)

Ilmiy darajasi:

yo'q (11 shrift)

Ilmiy unvoni:

yo'q
(11-shrift)

Qaysi chet tillarini biladi (to'liq ko'rsatilishi lozim):

rus, ingliz tillarini (11-shrift)

Davlat mukofotlari bilan taqdirlanganmi (qanaqa):

Yo'q (11-shrift)

Xalq deputatlari respublika, viloyat, shahar va tuman Kengashi deputatimi

yoki boshqa saylanadigan organlarning a'zosimi (to'liq ko'rsatilishi lozim):

yo'q (11-shrift)

MEHNAT FAOLIYATI (14-shrift)

2002-2006-yy. - Samarqand Davlat universiteti talabasi (11-shrift)

2006-2008-yy. - Sirdaryo viloyati Guliston tuman sud ijrochilari bo'linmasining sud ijrochisi
(11-shrift)

2008-2010-yy. - Sirdaryo viloyati Boyovut tuman sud ijrochilari bo'limining katta sud ijrochisi
(11-shrift)

2010-2012-yy. - Sud departamenti Sirdaryo viloyat hududiy boshqarmasi sud qarorlarini ijro etish bo'limining inspektori (11-shrift)

2012 y.-h.v. - Sud departamenti Sirdaryo viloyat hududiy boshqarmasi sud qarorlarini ijro etish bo'limining yetakchi inspektori (11-shrift)

BO'SH ISH O'RINLARI HAMDA ULARGA QO'YILADIGAN MINIMAL TALABLAR

BIZNES MUHITINI YAXSHILASH VA ZAMONAVIY IQTISODIYOTNI SHAKLLANTIRISH DEPARTAMENTI

Bosh mutaxassis vakant lavozimiga

Lavozimga mos asosiy talab va vazifalar

Talablar:

1. Tashqi iqtisodiy faoliyat, iqtisodiyot sohaslarida hamda xalqaro tashkilotlar ofislarida 2 yildan kam bo'lmagan mehnat stajiga ega bo'lishi;
2. Xalqaro tashkilot va moliya institutlari bilan ishlash tajribasiga ega bo'lishi (ushbu nomzodlar tavsiflanadi);
3. Vazirlik, jumladan boshqarma faoliyatiga oid ko'rib chiqilayotgan masala yuzasidan zaruriy axborot-tahliliy ma'lumotlarni sifatli tayyorlay olishi;
4. Ish yuzasidan lozim darajada muzokaralarni olib borish ko'nikmasiga ega bo'lishi;
5. O'zbek tilini mukammal, rus va ingliz tillarini yuqori darajada bilgan IELTS sertifikatiga ega bo'lgan (kamida 6 ball) nomzodlar ijobiy baholanadi.

Vazifalar:

1. Boshqarma faoliyatiga taalluqli bo'lgan normativ-huquqiy hujjatlarni ishlab chiqish va kelishishda qatnashadi;
2. Vazirlik mas'ul etib belgilangan xalqaro reyting va indekslarda O'zbekistonning reytingini yanada yaxshilash sohasidagi ishlarni amalga oshiradi, shu jumladan xalqaro reytinglarda O'zbekiston Respublikasining o'rnini yaxshilashga qaratilgan Yo'l xaritalarni ishlab chiqadi;
3. Xalqaro reyting va indekslarda O'zbekiston Respublikasining reytingini yanada oshirish maqsadida davlat organlari va tashkilotlar bilan o'zaro amaliy hamkorlikni yo'lga qo'yishda ishtirok etadi;
4. Xalqaro reyting agentliklari va xorijiy tashkilotlar bilan hamkorlik aloqalari doirasida ingliz tilida prezentatsiya taqdimotlari va tahliliy ma'lumotlar tayyorlaydi;
5. Mutasaddi vazirlik va idoralardan zarur bo'lgan ma'lumotlarni so'rab oladi, amalga oshirilayotgan chora-tadbirlarning natijadorligi yuzasidan axborot-tahliliy materiallar tayyorlaydi.

**O‘ZBEKISTON RESPUBLIKASI IQTISODIY TARAQQIYOT VA
KAMBAG‘ALLIKNI QISQARTIRISH VAZIRLIGI HUZURIDAGI TARMOQ
BOZORLARI VA ISHLAB CHIQRISHDA MEHNAT UNUMDORLIGI
TADQIQOTLARI MARKAZI**

Direktor o‘rinbosari vakant lavozimiga

Lavozimga mos asosiy talab va vazifalar

Talablar:

1. Tarmoq bozorlari va ishlab chiqarish sohasida kamida 5 yildan kam bo‘lmagan mehnat stajiga ega bo‘lishi;
2. Xalqaro tashkilot va tadqiqot institutlari bilan ishlash tajribasiga ega bo‘lishi (ushbu nomzodlar tavsiflanadi);
3. Vazirlik, jumladan Markaz faoliyatiga oid ko‘rib chiqilayotgan masala yuzasidan zaruriy axborot-tahliliy ma’lumotlarni sifatli tayyorlay olishi;
4. Ish yuzasidan lozim darajada muzokaralarni olib borish ko‘nikmasiga ega bo‘lishi;
5. Jamoani bir maqsadga yo‘naltira olishi, o‘z qarashlarini himoya qila olish va boshqaruv qarorlarini to‘g‘ri va tezkor qabul qila olish qobiliyatiga ega bo‘lishi;
6. O‘zbek tilini mukammal, rus va ingliz tillarini yuqori darajada bilgan IELTS sertifikatiga ega bo‘lgan (kamida 6 ball) nomzodlar ijobiy baholanadi.

Vazifalar:

1. Markaz faoliyatiga taalluqli bo‘lgan normativ-huquqiy hujjatlarni ishlab chiqish va kelishishda qatnashadi;
2. Markaz faoliyatiga taalluqli masalalar bo‘yicha respublika va xorijiy mamlakatlarning ilmiy-tadqiqot tashkilotlari bilan hamkorlik qilish;
3. Tarmoq korxonalarining iqtisodiy samaradorligini aniqlashda, tashqi va ichki bozor kon'yunkturasi joriy va kelajakdagi o‘zgarish tendensiyalari yuzasidan chuqur marketing tadqiqotlari o‘tkazadi;
4. Jahon sanoat mahsulotlari bozorlarida joriy va istiqbolli strategik yo‘nalishlarni tahlil qilish, shu jumladan ularning tarkibi, asosiy ishtirokchilarining raqobat pozitsiyalari va rivojlanish tendensiyalarini o‘rganish, shuningdek maxalliy ishlab chiqarishda tatbiq etish bo‘yicha tavsiyalar kiritadi;
5. Mamlakatimiz tovar bozorlari ko‘rsatkichlari, respublikada ishlab chiqarilayotgan va import qilingan mahsulot (tovarlar va xizmatlar) nomenklaturasi va turlari to‘g‘risida zarur axborotni to‘plash va ularni tahlil qilish, tarmoq korxonalarida ishlab chiqarish loyihalarini shakllantirish yuzasidan tavsiyalar ishlab chiqadi;

6. Tovar hamda xizmatlarga bo'lgan talab va taklif asosida, mahalliy sanoat korxonalarida ishlab chiqarish quvvatlari samaradorligini oshirish bo'yicha tadqiqotlar o'tkazish hamda kooperatsion aloqalarni takomillashtirish bo'yicha tavsiyalar kiritadi;

7. Mutasaddi vazirlik va idoralardan zarur bo'lgan ma'lumotlarni so'rab oladi, amalga oshirilayotgan chora-tadbirlarning natijadorligi yuzasidan axborot-tahliliy materiallar tayyorlaydi.